

雲溪居士集



膳錄監生臣魯

照

膳錄貢生臣苗序
濂

欽定四庫全書

雲溪居士集卷九

宋 華鎮 撰

今體詩

七言律三十九首

梅花一首

并序

余於花卉間尤愛梅花每過於園林中徘徊
觀覽而不忍去意欲列植成林構屋其間朝
夕見之而後憊然貧而未能為此也至其敷
榮之日則置藪枝於研席聊以慰其所好情

未能已載形於言

生來幽意酷憐梅醉眼愁眉見即開案上欲教終日在
林梢令折數枝來輕勻素色欺魚網瀟灑清香壓麝煤
一嗅一觀情一倍熙熙不啻上春臺

近日

近日英雄涉世疎休言彈鋏便乘輿晝操板艇穿溝徑
夜熟蘆薪閱簿書似此小心紆若綬何如濶步曳長裾
江南若有扁舟便不待秋風始憶魚

列子觀

日日雞聲馬上聞
鑑中不是少年身
倦從客路長搖轡
喜得真祠暫拂塵
仙馭不歸風自好
遺編長誦意彌親
隋珠輕用彈黃雀
愧汝當年辭粟人

紫薇花

雨餘庭下紫薇芳
簾幙風清發早涼
細葉密攢紅縠皺
纖枝交曳彩霞長
清都舊許分星號
西掖曾容對省郎
悵望日邊承露掌
何時相與照秋光

野岸白蓮

越溪深處楚江湄
玉刻冰裁一兩枝
天借明蟾滋秀色
雲垂清露潤豐肌
解知潔素風神遠
始覺紅鮮品格卑
何日曲池亭檻上
細看朝暮弄輕颺

高麗扇

排筠貼楮綴南金
舒卷乘時巧思深
何必月團裁尺素
自多清爽滌煩襟
揮來振鷺全開羽
疊去楸欄未展心
利用已宜勤賞重
更堪精製出雞林

病起酬廷老傅十三丈

既有吾身似老聃却無道術類蘇耽
陰陽授氣還非壯濕燥因時豈易堪
動戒荒嬉情謾切坐膺消渴理宜甘
見貽藥石誠多愧鄉黨無徵只自慙

元祐三年八月初六日得報已有代者歸期可
數喜動於中載形歌詠

郡符朝下報新官不覺津津喜見顏
但怪鵲聲連日好誰知鴻翼過年還
心游象魏三秋後步入庭闈數月間

別去祇憐風月夜不聞山溜響潺潺

送邦彥赴闕

士林休復歎棲鸞已向青雲刷羽翰漢殿舊聞稱錦繡
燕堂當見擢芝蘭張帆正值霜風勁策馬何辭曉月寒
解道此行須特達傾囊却愧乏琅玕

和李子約戶曹四紀權室

主人才術照幾先虛室端居宰利權誰覺市征非往日
自知歲課埒當年高梧六月生秋色修竹三冬起紫煙

平日紛紛譏識地不妨澄寂事經禪

和楊中行朝散引試日院中即事

多士分袍日造庭談經議法與論兵不辭寒夜程文冗
喜見明時道化行此日人懷平旦氣他時中有少年卿
鳳毛已飽羸金術佇聽傳家振大名

試院中聞初平別頭預上舍選作詩二章以貽
之

拂曉文闈報捷音傳家始見勝羸金不隨門戶炎涼異

須識膠庠德澤深
日月光華今際會
歲時風物莫侵尋
欲知報稱君親處
惟有忠嘉一片心

龍頭本是我青氈
寂寞風流數百年
素業久慙吾未振
遺芳今喜汝能傳
九光瑞日纔披霧
千里修途要著鞭
竹素紀名男子事
莫令風味愧吾先

出院有日用前韻與諸公叙別

頻年承乏選賢關
自惜生居黍谷寒
讐盡加三難自暇
聽殘敲五敢求安
蒙恩邂逅真多樂
已事分飛亦足歡

從此塵勞能脫否待尋蜀客試占看

和林安聖承議別試所即事

驟阻文闈密密關不堪霖雨作新寒暫違塵鞅閉還好
喜得朋簪靜可安樽俎不陳無過舉笑談相酢有餘歡
共知佳節行相近須把程文繼日看

再和

陶家門戶本常關澤室肌膚雅耐寒不惜春秋參貢舉

原注余今年正月被差前
往南廟八月又預別試所
况聞早晚報平安款陪盛集

無窮樂細閱雄文有益歡未必重陽虛過了黃花十日
尚堪看

歐陽叔向見余試院中詩卷作詩見譽次韻酬
之

未歷藩籬見少陵索塗適埴愧冥行滿懷驟獲連城賦
溢耳惟聞中律鳴思巧本慙彫褚手心雄方怯棄繻生
十年世路師良賈今日纔驚利有贏

再酬叔向見謝

詞鋒筆力勢憑凌，高共飛雲天上行。
清夜幾通康樂夢，嘉時還嗣孟郊鳴。
人間雅道時無喪，海內才流世有生。
欲識篇章精密處，搜竒抉隱語無贏。

次韻酬叔向

卞玉塵多氣已低，可能符采壓虹霓。
晉人自識三都麗，襄野誰教七聖迷。
謾說違時清似水，且謀終日醉如泥。
秦關自昔稱天府，何事雄誇十二齊。

壽潭帥李金部二首

慶緒繇繇嗣伯陽何時熊夢契嘉祥月低冀莢光猶滿
風入林鍾景正長出去懷金參九列歸來畫繡得三湘
遙知當日瞻佳氣還似茲辰睹壽香

汎汎薰風入舜絃西樓晚月十分圓懸弧門下占祥日
仗節湘南出帥年善誦詠歌盈玉葉壽觴頻舉倒金蓮
紫泥褒詔知非晚行看雙旌上日邊

漸堂

君家仲季樂天長書史優游共一堂鴈序此時詳進止

鷓原異日竟軒昂階前蘭菊幽香遠座上墮簾逸韻長
蕭穆清風在華榜可令進躁坐銷亡

春陵聞鴈

余為春陵糾曹夜聞鴈聲因憶歐陽文忠公
有送道州太守詩云身行南鴈不到處之句
益衡有回鴈亭

擁衾欹枕未成眠歷歷鴻聲到枕前十月高風方永夜
三更疎雨欲寒天衡陽亭榭真虛爾潁水篇章是偶然

萬里天南共為客北書從此喜須傳

和純翁聞新鴈

出門無緒看飛蓬入夜還驚度早鴻塞外長蘆應已斷
天涯尺素竟難通青熒踈幌遮寒燼恣宰高梧弄夕風
今夜只應歌枕後夢魂隨汝到江東

和都城臘日雪

同雲為瑞上圓清臘日飛花落帝城雙闕漸迷鴛瓦碧
九街勻草麴塵輕戴溪有月舟方遠袁巷無人路自平

却愛馬卿詞賦好梁園一座盡知傾

和高郵監稅李光道承務

論交未必須白頭邂逅相逢轄屢投識似方諸能鑿物
言非諉草自忘憂詩書已見勤追琢筦庫何妨暫滯留
但喜荒齋得佳詠清風和氣日休休

蘭玉才華夙有芳撝謙高韻慕循墻風流自與迂疎厚
澹泊應須氣味長屢見清談能破的行看素業驟成章
日生鞅掌雖無盡投隙當來語大方

落帽山

落帽山頭雨脚長
消愁還是感河陽
勞歌不解淒涼意
小飲難投醕酌鄉
共恨今秋辜綵菊
相期來歲沃霞觴
須知四美人間少
一笑千金未易償

壽蔡大資

巖巖巨鎮瞻維嶽
落落喬松棟榦姿
物外風神時遠鶴
幾先識斷世元龜
還逢周寢占熊旦
恰是商巖肖象時
願醞東溟為壽酒
一年一獻一瑤卮

項王廟

劉氏功名未足多，謾將帶礪指山河。
楚宮一夜雖虛壘，漢殿百年還藝禾。
今日祠堂皆寂寞，當時江水自逶迤。
有靈若憶生前事，應悔初為蓋世歌。

用韻贈陳縣丞

明明真理與時紛，曾把清心仔細論。
百慮已知歸妙道，一塵無復寄靈根。
時來或可紆藍綬，興盡還思杜席門。
異日儻能追逸駕，相忘不必近林園。

湖南運使程大卿壽

時來嘉會一陽新慶屬高門誕哲人杞梓挺材周世用
珪璋含德足天純酒熏愛日凝和氣香觸寒梅發早春
密運陰功方寸地默增遐算有明神

崇寧元年五月十六日天漢橋月下闕步

闕來步月上銀潢天宇無塵夜色涼雙闕高尋佳氣聳
三街平襯綠槐長沈沈琳館東西迴裏裏珠樓左右光
歸去不須尋蜀客莫教知到斗牛傍

高郵張生出所得詩畫一軸求余作詩因書

千巖秀處有扁舟不駕樵風欲五秋
金味未應甘腐鼠霜翎時自下崑邱
塵埃漠漠長扃戶雲月漫漫獨倚樓
好事古來常恨少碧霄清思為君搜

宿西禪寺詩

湖湘跋涉今猶近淮海漂流昔早曾
擾擾未能逃鞅掌星星祇見變鬢鬢
驅車曠野猶飛雪稅駕閉窓已上燈
瓶錫不移緣累息須知人世盡輸僧

送道守董朝敬

香穗氤氳雜瑞烟
條風新轉早春天
桑蓬慶集侯門日
銅竹榮居郡閣年
清曉十分圓玉兔
寒宵萬斛照金蓮
祝詩聊致官曹意
上古靈椿自八千

錢秀才索詩用韻酬之

新詩字字脫埃塵
幾效中郎歎受辛
他日合為仙桂客
此時何愧布衣身
更無狐貉原非恥
直有簞瓢不是貧
霧豹南山飢不下
未慙尺蠖解求伸

次韻和潭州尹節推陪同年運使大卿知府安
撫少卿知郡大夫飲會

一聲渾化未來宮當日聯飛真乘龍策足津途趨要切
挾庭華藻稱纖穠青雲榮貫誰同得白首朋樽此幸逢
樂事晚生曾未識強賡佳句想形容

題朱中老宣德墓亭

不矜鄉版早為賓不歎恩綸晚及身物識儻來忘世累
學隨所遇澤吾民鴻冥輕舉閔刀刃舟壑潛移冷隙塵

今日戶庭皆似舊共知君有克家人

欽定四庫全書

雲溪居士集卷十

宋 華鎮 撰

今日今體詩 七言律三十四首

贈孫純臣居士

鼓腹酣歌七十餘，卧龍山北寄蓬廬。
滿堂常見斑衣舞，填巷時來長者車。
負郭稻田周歲計，還家蘭圃足晨蔬。
閑窓盡日無餘事，時展青囊一卷書。

上南都權府提刑孫大監二首

聲華籍籍冠諸公三十年前溯水東
造次談經皆振玉
從容遇事盡成風
心遊迥出青塵外
名品橫飛碧落中
留鑰憲臺雖重寄
方看平步入鵷鴻

摳衣平昔登門下
曾許橫經近絳紗
江上一言冰玉遠
天涯長歎水雲賒
不才漫忝朱為紱
承學終慙髮已華
今日姓名猶見齒
尚因提獎得靈槎

舟中望金山寺

小山蒼翠出江流
山上精廬望外幽
午影樓臺連北固

夜聲鐘磬到揚州
客帆飛過朱欄角
沙鳥歸棲碧瓦溝
南去北來長擾擾
晝繞何日暫遲留

原注二十年間過其下者凡十六次

未嘗登賞

送德器移光州仙居令

邂逅舊慙無半面
追隨今恨只三旬
高才鋒穎凌長劍
和氣舒遲壓九春
百里莫言猶偏仄
三年亦可薄經綸
古丹應有遺方在
好使靈功被此民

奉酬劉令見懷

世路差池懶自嗟眼前隨分過年華山中尋藥援青嶂
海上將鷗踏淺沙懷舊愛君交態厚題詩寄我素封斜
爭知節物隨人冷十月東籬未有花

臘後感懷和光道韻

達人蔑視千鍾祿曲士驚談五石瓢臘盡自憐春氣近
月明誰念美人遥鉛華次第開梅萼金色依稀著柳條
莫問陰山更陰處數峯殘雪未全銷

過魯太師廟

余崇寧三年宰新安四鄰五邑乃河南洛陽
澠池壽安河清皆有蝗獨不入縣境冬部夫
至都城往來經由廟下因以賦之

漢家循吏得民深素業流風尚可尋愧在盛時操短刃
遠來鄰壤效鳴琴敢論異事追前事所喜仁心契本心
振轡再經馴雉境一瞻道廟想徽音

題普照寺

剛趁閒情逐隊行忽逢蕭寺眼前明修廊有蔭僧趺坐

古殿無人雀啄聲咫尺都城塵不到尋常林木境還清
憑君試問輪蹄客過此如何不解驚

高風

一傳肯來忘暑月兩旬輕舉薄雲霄非關漢水魚盈釣
不為宜城酒滿瓢方外采真欣淡泊人間知足得逍遙
高風可是陶彭澤歸去田園為折腰

陸彥則索詩寄之四韻

解官才喜此身輕忍以冥搜損性情疎懶舊來高叔夜

虛閒今日似淵明願酬美意情雖切強綴狂歌曲不成
應有朱侯偷笑我壯年不解請長纓

壽柯運使

九十韶光纔十九高門曾是弄瑤璋熊羆夢寐當時吉
龜鶴年齡此日長劉晏已知豐外計曹參行見趣歸裝
更看德善流芳處濟濟斑衣滿畫堂

曉來遲日上高堂珠箔玲瓏錦席張玉笋騰波行旨酒
金爐生穗起真香融融喜氣凝庭戶拂拂歌塵下棟梁

許步挑蹊無以報但祈眉壽獻篇章

趙防禦新闢小齋詩以貽之

隱操真全不待山小齋新闢戶常關
窓延晝白明丹府
鑪養春和潤玉顏何必金絲喧曉夕
祇將槌拂伴虛閑
人間興味元恬淡不見輪飛倦後還

代湖南張運使賀蔡右丞

高步英躔恰妙齡曙華相照有餘榮
早逢周室遵儒雅
親見文公迓太平可但清標稱玉潤
共知具體得金聲

廟堂方契千年會側聽康哉語載賡

送傅彬老檢討赴宜興簿

不是雙翎羽未齊天門欲到失雲梯眼前且看神仙府
身外休論枳棘棲百草讓茶先有味一甌挹水近通攜
扁舟邂逅須乘興細看東風罨畫溪

次韻湖南張運判會春園新亭之什

落落長松滿古園沈沈碧水侵新軒于今人物情雖別
平昔池臺跡未昏身外無塵紅入座眼前有酒綠盈樽

更將好樂無荒意深入無生不二門

田家二首

莫笑田家物象微柴荆未肯愧朱扉
槿籬花發錦步障莎徑葉齊絲
地衣葭葦吟風環竹屋鴛鴦浴水傍
苔磯藜羹黍酒有餘味笑看庭陰密
又稀繞舍澄溝玉色方夾隄密樹儼
修廊霜遲留得穠陰綠秋冷全無潦
水黃獨木短橋通別園攢蘆新廩出
高牆終年飽暖人生足何必崎嶇走
異鄉

卜居

桑弧蓬矢是男兒故國松楸亦重違
架構自知惟壁立
綢繆誰敢羨
葦飛桑麻地狹妻孥笑
堂廡簷低燕雀稀
清世薄才何所用
求田問舍未應非

詩酒六首

大雅讀書勤苦外肯來文會盍簪中
詛盟吾欲出三物
續社君當圖九翁綠橘未題霜
降顆黃楊纔長閨餘叢
後成若授蘭亭例金谷樽看誰罰空

文力尤能草上風後生橫槊鬪詩中諸君共利先登將
一我甘為左次翁水至細流皆入海材為直木必由叢
筆端衮衮淳于黠未覓膏油爨轂空

辭宦各歸千里外滿城不出數家中得詩夜共嘲騷客
次韻時來寄子翁已分鷺鸞垂翠葆尚能魚目鬪珠叢
人生閒裏還無此白首光陰過莫空

已在淵明歸去後只消長慶醉吟中詩名未到出藍者
酒德忘為垂白翁刻燭分題喉每噤揮杯多酌指如叢

攔街拍手兒童笑十日醒無一日空

殘醉偶思京輦下戲言堪入和章中詞因公度李道可
印借夢卿成孺翁荒怪定逾詩律外風流誰筆笑林叢
張而不弛非文武莞爾牛刀未可空

商摧文章論要公切雲千仞將壇中詩人何地可安我
醜婦今朝纔拜翁彫玉苦心為楮葉繡衣謾眼東柴叢
南鄰寄謝梁兵部險韻無勞獨斷空

暖齋詩

至足無求觸處同小齋和氣日冲融几筵已得嘯歌地
赤白何須繪畫工況有午簷容愛日曾無北戶召寒風
清心迴出塵埃外詎見高堂數仞崇

雪中寄徐主簿

出門四幕雲垂地舉目千花雪映天況是光陰猶故臘
何妨時日在新年不辭登頓行長道但喜豐穰屬大田
遙羨風流栖枳客一焚檀篆達誠虔

次韻酬道州同官雪中召飲

千林臘雪綴玫瑰為送豐年好信來有客倚樓吹玉笛
何人立馬傍銀臺書齋喜白臨窓紙粧閣驚藏照臉梅
清景可憐佳句重為君隨分把金杯

和石太傅錢清僧舍圍爐余時先往蕭山不預
其會

後進多年仰碩膚相逢如恨日將晡懽懷想不辭醇耐
高論應須出大鑪麗藻舊欽梁上客清風今識漢潛夫

初慙不預芝蘭列

原注公詩云芝蘭相照皆佳士和得陽春愧已無

題畫鷹

高飛遠走可人情上蔡東青舊有名誰在華堂饜鼎俎
自甘平野掠柴荆心憂狐兔紛難盡眼看豺狼恣不平
莫倚絲繩金縱美弓藏鳥盡汝須驚

失題

暑往寒來春復秋東西南北一萍浮吳鈞越劍雖常淬
梁苑秦關祇浪遊場屋同盟多列鼎鄉閭小子亦封侯
十年窻下勞螢雪今日明時漫白頭

失題

分宜浪迹學希夷豈合將身涉事為無外縱知皆是幻
有中寧免強隨時懶於中散人誰覺貧過原思已自知
若有一塵容定省肯將塵鞅自羈縻

挽張約之

盜跖有年顏子夭千秋此理竟難昭一枝仙果方成實
三葉階蘭已盡凋壯志永違祇自恨清魂一去更誰招
猶勝伯道終身後應得幽冥慰寂寥

欽定四庫全書

雲溪居士集卷十一

宋 華鎮 撰

今體詩

五言排律十二首

元夕

節物隨時好元宵興味多
常年苦風雨今夕偶晴和
天宇消氛翳星華浸月波
六街紛合遯兩觀迴差
峩平昔財多裕歡心慮靡
他深沈閉閣苑窈窕引巫
娥百斛澄瑤碧干枝列
芰荷珠咽激清脆霓袖競
婆娑頽頽將雛

態繇蠻命友歌涓涓催急箭殷殷尚鳴鼉縹緲飛華幟
丁東振寶珂東西歷登覽南北遞經過不惜雲壘磬祇
看牛影俄恨無夸父足擬擲魯陽戈出入心忘計晨昏
用有那佳時徒共樂歡事不同科牽率調絃管安排具
綺羅有虞虛腹餒那作醉顏醜不見三十履難逢十二
梭寂寥塵陌上誰問夜如何

贈越倅胡郎中

天上元宵後中階瑞氣豪乾坤扶睿哲山嶽孕英髦識

量東溟闊才華北斗高序遷登半刺清選陟諸曹慶旦
回新律邦人薦壽醪椿齡祈永固榮應呂虔刀

寄焦公澤

身世旋蓬轉年華激矢忙漂流輕楚越契濶易參商竊
預三千日行幾二十霜金聲留逸響玉潤有餘光仕路
雖叨踐心蹊未敢荒軒昂遺俗物感激企前芳燕雀驚
鴻鵠鷗鳶嚇鳳凰傾都無孟子通國毀匡章魯席雖云
遠韓門未見忘鑠金頻減價投杼幾循牆素履微難任

流言衆覺強箴言曾展轉攻鼓或相將睠想周賓裔來
居禹計鄉一門如旅燕三世寄飛梁何地逢遺秉誰坦
有樹桑金魚時肖范儲石每矜揚儒術資斑見鄉評假
寸長芹藜經伏臘蘋藻備烝嘗紵絮虧冬褐丹鉛薄曉
粧晚蟬無重翼瀟雪有驕陽唐穀虛魯入齊飛宛未翔
十年勞俛仰三釜足淒涼懷刺終思重車塵舊恥望有
慙倚頓富徒效老萊裝曲表求端影奔車倚怒螳力微
甘黽勉道拙分摧藏好惡鄉人僻風波世路常棘薪今

合重瓜蔓昔還傷
頰舌知無補
絲桐或可量
未教輕割席
庶復許升堂

送湖南運判張朝散

幽野萋含秀
周朝麥薦新
祗園纔浴像
嵩嶽復凝神
鵲印天休裔
書林世貴人
江山分秀氣
珪璧粉天真
三篋傳遺緒
前籌起逸塵
人間欣得瑞
席上藹為珍
平步游英殼
長驅歷要津
星軺聊按指
元鼎佇經綸
熊夢祥占日
斑衣色養辰
雲鵬方萬里
海鶴本千春

壽蔡大資

德緒先流慶高門早誕賢星杓方歷次羲馭欲周天博
大天殊稟高明道有傳逢原從左右中禮在周旋網轄
提攜早樞機委寄專先猷重有作廟筭遠無前避寵辭
帷幄分華出澗瀍條流圖外事談笑握中權吏膽銷精
密民心適靜便旃閒清洛日牙聳碧嵩烟世路觀無跡
神機體善淵絃歌隨絳帳筆削起韋編已覺留司久彌
增注想堅鈞衡終所倚袞繡佇來還今日知祈禱靈椿

比大年

水壁

江南曹生畫壁在高郵禪居寺三壁為澄澗
輕波二壁為驚駭之勢

畫手聞曹霸伊人豈裔孫窮神邈江海遺迹在牆垣發
地驚濤起扶椽疊浪翻來非自胥怒去不為鯨吞咫尺
重淵險尋常萬里奔氣疑烝宇宙勢欲浸乾坤但見揮
長筆誰能測巨源汪洋須駭矚窪突幾驚捫湛湛將澄

處悠悠疊細痕輕颺掠伊洛澗岸漫湘沅怒勢功尤壯
飛澗地欲掀滄溟擁神島窮髮運游鷗槩礪應無顧安
排自有門夙成參造化無用契胚渾歲久人雖遠塵侵
墨未昏依稀逢海若髣髴吊湘魂倦客縈多累乘桴特
未援時來觀浩蕩聊用滌塵煩莫使蝸涎蠹常令墨妙
存不勞浮渤澥已似陟崑崙

送新廣西提刑曹司勳

勳業平陽重才華子建先高風延世濟大筆得家傳事

至皆游刃辭新盡應弦從容登桂籍慷慨躡英躔不下
文彌蔚曾磨質更堅鶴鴻傾義路旒宸賞辭編善誘恢
師範良圖懣幕蓮雄鳴聲濶達高舉勢騰騫中外資裁
制交遊喜薦延入趨蘭省祕出擁繡衣鮮封域三苗舊
江山五嶺連楚風輕有素蠻俗混難銓飛輓歸豐羨經
營出靜便霜威嚴不試鏡照朗無前玉石胷中判龍蛇
度外捐冥心投至理寓興起新篇不羨懷沙潔羞稱賦
鵬賢團茆方息駕隱几欲忘筌杯水澄朝彩爐香炷久

烟有餘論墨妙無問及筵尊華實湖湘外聲名日月邊
泥封俄迅激竹律未周旋畏景明流石薰飈穆汎絃星
車躔嶺徼虎節起湘川雨露恩無外乾坤施不偏遠民
傷側陋天子重生全桂水秦開郡璇璣舜繼年平反須
利器跋履屈華韉賤子魯昂首清途想側肩希聲元寂
寞坦履素蹁躑世路誰為偶臺僚竊備員機心寧及俗
直道尚侔天宜幙為郎被難加出將鞭神棲南郭隱心
醉北窓眠大匠微無棄幽芳早見奪斲輪慙妙手傾蓋

勝華顛莫叱王遵馭空矜郭泰船雲移難就陰蟻暮漫
求羶越嶠暄涼異周班旦莫聯行看踐槐棘應紀紉蘭
荃

無風常魚戲動新荷

風日向清和游魚水面多透迤浮巨壑搖漾動新荷密

倚纖茄

按茄爾雅釋草荷芙蓉其莖茄原本作葭誤

轉輕翻綠影俄參差吹

弱藻歛灩起微波躍躍同盈沼洋洋類舞河因知濠上
意不羨越溪歌

嶧陽孤桐

大樂潛生氣徐方暗結融嶧陽鍾異物山木得孤桐特
榦千尋聳清陰十畝豐夜聲通渤澥午影到崆峒雨露
偏垂德陰陽曲致工和音來象外懿質孕區中不羨樗
無用常卑挂有叢人期瞻舜日自信達堯聰動植奚難
感神明庶可通鏗鏘雖固有翦拂未曾蒙合梓纔知美
絃絲乃見功名嘗叨禹紀材實待夔攻理沒如邕爨栽
培異楚宮山禽曾不識丹鳳每來同沆瀣凝朝氣滄涼

汎曉曈發揚羞谷黍疎散愧江楓誓與簫韶並寧隨厯
草空儻教承搏拊焉敢避磨礪功用施清廟聲華發大
東知音何以報願為奏南風

送越州僉判徐狀元起闕

彼美司刑士言辭越幕賓斑衣登彩舫羅袖擁雕輪重
過千年會輕捐萬壑春拂檣風習習汎揖水鱗鱗仰念
當朝律高還治古淳嘉猷皆建置弊法不因循食餅無
容畫觀龍必貴真進賢非積累懷寶免湮淪徒步升黃

閣元台出渭濱昔年書舊史今日在嚴宸志士休歌鳳
鴻儒罷泣麟不愁長待價祇恐未能仁盛世當千士明
公第一人詞場無大敵桂苑絕前塵雅譽多材藝雄居
要路津規為真大器薦擢易常倫紺髮年方壯清光日
向親橫飛朝鼎鷗跬步職絲綸學問功無愧經綸志必
伸善將兼海內澤可下天民既得風雲便應為柱石臣
已知材似杞惟貴壽如椿猥似卑凡質同居晏粲辰問
年雖魯衛語士迺齊秦敢謂苗堪掘惟知竹有筠毛公

方喜檄原憲不憂貧春至寧栽柳秋來未憶尊况逢春
眼見何慮白頭新戮力尊賢軌虛懷慕德鄰願言登左
右無或棄輪囷

送越倅胡郎中入京

雄鎮揚州域前聞越絕靈天文直牛女地勢壓滄溟霸
業雖陳迹王圖乃舊經遺風終撲素彌世慎儀刑紆綬
皆英毅乘軒盡德馨迄今無僭濫自古底安寧碩德居
華旦清資應列星司城新進秩

原注時初改職方郎中

別乘舊揚

軫原注公前任秦州通判

妙譽高藩翰嘉名藹闕廷自堪剖符竹

猶此駕屏篁禪替無遺恨平反得所聽威儀嚴肅穆文

雅煥青瑩裁決真穿縞經綸甚建瓴屬城嘗乏守茂績

可書屏原注公兩權潤州一

完士終何感丹心獨願銘

淪理脫吳阪知賞謬柯亭

原注公前秋監試鎮幸中選遂即塵忝

述業知

晞驥多聞媿識颺成風非匠石合舞謝庖丁濫擬窺場

藿叨曾食野草禹門俄暴鬣陶夢輒摧翎捧檄終堪喜

彈冠詎可停未能餐沆瀣安敢卧清冷山藪容樗櫟川

河納涓涇不教長在澗還許預充庭破竹期迎刃提刀
更發礪有緣重奮迅何慮復伶俜穩步封峭底長驅過
井陘旋瞻丹闕鳳密覲寶階莫先哲猶嘲白微才乃拾
青既霑新籍桂無負故囊螢寒谷逢陽律幽姿得震霆
心誠期秉石蹤跡免如萍矩範茲親覲徽音此竊聆執
鞭欣有自整駕恨難扃杯水遮瑀轡壺漿擁彩舫鳴鈺
發蘭沚疊鼓起蘋汀龐驥雖云展黃陂未易形虔刀方
電發孔榻任塵冥佇見宵人仗行觀病者醒馳心逐旌

旆引領矚郊垌

送湖南提舉梁朝散

公族流芳遠侯門積慶長
玉田收地寶蘭畹毓天香
岐嶷英姿妙魁梧德宇強
嶽靈分秀氣昴宿注祥光
世濟居彌厚官成動有章
題輿高右陝持節重西湘
二九朝陽永中秋夕月涼
誕彌迎節至嘉慶肆筵芳
檀篆金為鼎榴花玉作觴
願言齊鶴壽平步冠鵷行

欽定四庫全書

雲溪居士集卷十二
宋 華鎮 撰

今體詩

七言排律七首

和通州李判官

并序

晉伯判官年契按行下邑垂示新詩粉飾過
稱固非單淺之所敢當仰服意厚難以虛辱
謹次來韻上謝

憶昔元豐第二春叨陪逸駕預官論頻煩州縣徒勞職

未報君親罔極恩居與莞蒲依海角出隨鴈鷺走江村
閑心祇合尋三徑倦翼寧堪憇九門羊棗幸占如養志
萊衣欣有喚翁孫他時未免煩陶鑄只就同年勾漆園
送越帥程給事赴詔

清華仙殿圖書府

原注公職集
賢殿修撰

貴近東臺侍從郎寵被

買臣榮遇紱來臨安石宴遊鄉下車建設先條教暖席
施為盡紀綱鑑物淨明齊上水臨機鋒銳踰干將威稜
直為摧姦宄德惠陰知佑善良意匠經營真有趣軸機

裁處動非常謹嚴庭訟情無失

原注公遷都廳于府內西樓下以舊所近外獄

情多

檢察民輸弊已亡

原注公創和買夏稅場於府門左右以絕往日之弊

坐使

姦胥難用巧默令雅俗盡知方淳和只有興廉遜肅治

應無敢寇攘蓮幕終朝筆削園扉經歲絕桁楊精藍

振起都城美

原注公重建寶林寺寺為城中勝槩

新館增延使者光

原注公築

館以待往來使者目為皇華館

翦拂散材充大匠吹噓寒谷變春陽

原注

鎮自公薦送即遂塵忝

三年治最騰歌頌千里聲和協雨暘

原注時累

年風雨

何但編氓稱五袴已令比屋有千箱

原注時年穀屢登

風流自得篇章樂

原注公當世詩匠在越尤多唱和

閒暇人驚日月長

彩舫有時羅綺繡朱轆到處擁絲簧尋窮萬壑幽深趣

踏徧千巖紫翠芳

原注公政成多暇雲門蘭亭常得遊從

絕唱未饒元相

國

原注元微之在越與副使竇鞏賡和號蘭亭絕唱公與僚屬實繼之

遺風獨揖賀知章

原注賀公故宅頽毀已久公命緝之

香山圖畫知嘗預

原注公與致政少師致政少保二趙

公繪為三老圖

魏闕心誠想未忘下國可能留近侍雄材自合

在巖廊祥光一夜生台座優詔平明出未央漢殿果深

思董賈越人那久得龔黃丹書東下隨秋鴈畫鷁西征

拂曉霜不獨飛章留去轍

原注時監司交章乞公再任

况多扶老擁

歸艎已知子翼終難借猶擬曹侯且緩裝送目未能看

竹馬傾思惟只詠甘棠既當帝闕鹽梅望可戀吳門繡

畫堂

原注公姑蘇方成新第

前席虛心方注想據鞍壯氣正康強

七城異績雖云遠

原注會稽經總浙東七州

萬室蒼生佇有望蹇步

有心隨軌轍夢魂終夜倚門墻

次韻酬桂陽石知監懷鄉見寄

南北周旋事屢更剖符纔喜慰蒼生米鹽無滯網條密

雀鼠難欺獄訟平樽俎有餘今北海篇章多暇古宣城
桃源善慶時難擬金谷風流世有名榮擁雙旌忘自得
永懷三徑念同情鄉閭分義千鈞重筆墨才華一座傾
官異微之慚未稱報殊平子愧非精折腰寂寞將何遣
稔聽龔黃布政聲

湖南運使柯少卿壽

星杓旋指始回寅遲日烘天欲再旬安寢熊羆通吉夢
高門弧矢見成人江山孕美寬為量奎壁騰芒秀入神

學苑遠窮三篋富辭林榮占一枝春分麾閩越閒餘刃
賜筆中臺播逸塵棘寺入陪鵷列久湘源來著繡衣新
笑談已集金糧最眇眈無遺玉石真不憚高才親遠使
更將和氣裕斯民華資分合歸無已眉壽陰須付有仁
幕下晚生欣庇德強歌精意指靈椿

用石柱陽韻謝左判官陳司理見寄

曾挹清談僕屢更解頤聊足慰平生共觀雲物懷虞帝
為引漁翁問屈平一逐曉風分客路兩逢春雨暗山城

寒林不見遷鶯語古壁多逢逐客名懷寄遠隨賢守句
愛忘深識故人情參軍筆力湘山峭幕府辭源峽水傾
刻燭賦詩曾有意臨池掃帚未能精強將西缶臨風擊
終遜玲瓏夏玉聲

挽宗嶽張尊師

神仙去住本無家此日人間漫歎嗟華表舊傳歸白鶴
洞庭誰見袖青蛇道山兩拂談經塵滄海頻乘犯斗槎
雙玉佩沾天上露五銖衣識洞中霞林泉投老心猶壯

京國歸來鬢未華，短製從今牽薛荔。
雜耕依舊種胡麻，風生謝傅團團扇。
花隱堯夫小小車，逸興逍遙舟不繫。
新詩妙絕玉無瑕，松邊對酒依盤石。
竹裏分泉洗落花，一自青冥餐沆瀣。
更誰黃犢侶磨麩，丹初封鼎雲猶濕。
棋未收秤日已斜，每過竹軒深有恨。
獨憐溪閣靜無譁，匣中不見龍三尺。
畫裏空餘雪兩鬢，回首方蓬歸路遠。
五雲愁殺樹交加。

宮使蔡太師壽詩

天貽真宰贊重熙何日來符命世期五夜燕遊元夕後
三陽交泰上春時維師事業前無呂先覺心靈世有伊
首幹化機熙帝載暫休祠館動民思和羹終付鹽梅手
仗節難稽柱石姿華屋早開丞相第袞衣新賦我公詩
細桃滿院先風轉素李成蹊淑景遲鼎席具瞻何所願
祝公眉壽等蓮龜